

Л. А. ПОГОСЯН, Армянская колония Армавира, издательство АН Армянской ССР, Ереван, 1981, 180 с.

Լ. Ա. ՊՈԳՈՍՅԱՆ, Արմավիրի հայկական գաղթօջախը, ՀՍՍՀ ԳԱ հրատարակչություն, Երևան, 1981, 180 էջ:

Հայ գաղթավայրերի պատմությունը մեր ժողովրդի պատմության բաղկացուցիչ մասն է, առանց որի այն ամբողջական չի կարող լինել: Դա բացատրվում է այն իրողությամբ, որ հայ գաղթավայրերի ավանդը նշանակալից է մեր ժողովրդի մշակութի, ազգային-ազատագրական գաղափարախոսության, հասարակական մտքի զարգացման, հայ-ռուսական կապերի բնագավառներում: Հայ գաղթավայրերի պատմության ուսումնասիրությունը լուրջ ներդրում է նաև ասպնջանակ երկրի պատմության հետազոտության բնագավառում: Ձևայած այս ակնհայտ ճշմարտությունը, մինչև վերջին երկու-երեք տասնամյակները հայ գաղթավայրերի պատմությունը հատուկ գիտական ուսումնասիրությունների չէր արժանացել: Հայագիտության այս բացը զգալի չափով լրացվել է Ա. Աբրահամյանի, Վ. Միքայելյանի, Վ. Բարխուդարյանի, Ս. Հովնանյանի, Վ. Գրիգորյանի, Ժ. Անանյանի, Զ. Գալստյանի, Վ. Խաչատրյանի, Ս. Փռլանյանի, Ռ. Աբրահամյանի և այլոց ջանքերով: Ենթահիվ վերը հիշատակված պատմաբանների, ուսումնասիրված են Ղրիմի, Նոր Նախիջևանի, Գրիգորիոպոլիսի, Աստրախանի, Ուկրաինայի, Լեհաստանի, Բուլղարիայի, Ռումինիայի, Հնդկաստանի և այլ երկրների հայ գաղթավայրերի բազմաթվանդակ հարուստ պատմությունը: Մեր ժողովրդի պատմության մեջ ունեցած առանձնահատուկ դերով է բացատրվում այն իրողությունը, որ ուսումնասիրողների առաջնահերթ ուղադրությանն են արժանացել Ռուսաստանի և Ուկրաինայի հայ գաղթավայրերը:

Ռուսաստանի հայ գաղթավայրերի պատմությանը նվիրված ուսումնասիրությունների շարքը վերջերս լրացավ Լ. Պոգոսյանի «Արմավիրի հայկական գաղթօջախը» աշխատությամբ: Այն բաղկացած է ներածությունից, չորս գլխից և վերջաբանից:

Ներածության մեջ հեղինակը վերլուծում է Արմավիրի պատմության աղբյուրները, գիտականորեն արժեքավորում նախորդ ուսումնասիրողների ավանդը, համեմաշխում վերջիններիս կարծիքների հետ կամ փաստերի համակողմանի ուսումնասիրությամբ առարկում նրանց՝ գաղթօջախի պատմության այս կամ այն խնդրում:

Ռուսաստանի հայ գաղթավայրերի պատմության մեջ Արմավիրի հայ գաղթօջախը յուրօրինակ է ինչպես առաջացման ժամանակի, հիմնադրման և զարգացման հանդամանքների, այնպես էլ բնակչության կազմի առումով: Այդ գաղթօջախը ծնունդ առավ այն ժամանակ (1839), երբ Ռուսաստանի մյուս հայ գաղթավայրերը (բացառությամբ Նոր Նախիջևանի) ապրում էին իրենց մայրամուտը, Դա բացատրվում էր նրանով, որ Անդրկովկասը Ռուսաստանին միացնելու պատճառով նվազել էր այդ գաղթավայրերի տնտեսական և քաղաքական դերը, սկսել էին վերացվել նախկինում դրանց շնորհված արտոնությունները:

Արմավիրի հայ գաղթօջախը հիմնադրելու հանգամանքները թվադրվում էին XIX դ. առաջին կեսին Կովկասի հյուսիս-արևմտյան մասում ստեղծված ռազմաքաղաքական իրադրությամբ, ինչպես նաև ալգոնդ ուս կամ Ռուսաստանին համակրող քրիստոնյա ազգաբնակչությամբ բնակավայր ստեղծելու անհրաժեշտությամբ: Արմավիրը, այսպիսով, Ռուսաստանի ու հիմնադրված հայ գաղթօջախներից էր: Այդ գաղթօջախի յուրահատկությունն էր նաև այն, որ նրա հայ ազգաբնակչությունը ոչ թե եկել էր անմիջականորեն Հայաստանից և հայաբնակ դրացի երկրներից, այլ սերում էր վաղուց այդ վայրերում բնակվող այսպես կոչված «շերքեզ-զահայերից»: Գաղութի հիմնադրման խնդրի հետ կապված քաղաքական, տնտեսական, ռազմաստորադրական հարցերի լուսարանում էլ կազմում է դրախոսվող աշխատության առաջին գլխի խնդրո առարկան: Ի պատիվ հեղինակի, հարկ է նշել, որ նա չի խուսափել շերքե-

զահայերի ծագումը լուսարանելու թափանչանքի բարդ խնդիրը (թեև այն անմիջական կապ չունի Արմավիրի պատմության հետ) և այդ խնդիրը թնեկիս կատարել է իր սեփական հիմնավորված դատողությունները, եզրակացնելով, որ հայերի վերաբնակեցումը Զեքեզիա՝ տեղի է ունեցել հիմնականում XV դ., Ղրիմից (էջ 21)։

Ռուսաստանի տնտեսական, հաղթաքաղաքական շահերի թելադրմամբ չեքեզահայերի վերաբնակեցումը և Արմավիրի հայ գաղթության ստեղծումը համապատասխանում էր նաև հայ գործիչների՝ Ներսես Աշտարակեցու, Լ. Սերբերյակովի (Արծաթագործյան), Խաչատուր և Հովհաննես Լազարյանների՝ չեքեզահայերին ուժացումից սիրկելու, նրանց ազգային դժբաղդ պահպանելու ձգտմանը, Դրանով է բացատրվում այն գործուն մասնակցությունը և ջերմ համակրանքը, որ ցուցաբերում էին Լ. Սերբերյակովը և Ն. Աշտարակեցին՝ հայերի վերաբնակեցման խնդրին. իրենք՝ չեքեզահայերը ևս, նույն դրդապատճառներից ելնելով, կամովին ընդառաջում էին ռուսական իշխանությունների ձեռնարկմաններին։

Արմավիրի հայկական գաղթության առանձնահատկություններից էր նրա իրավական ստատուսը։ Այդ գաղթության ի տարբերություն XVIII դ. հիմնադրված գաղութների, չունեի ռուսական իշխանություններից ստացած արտոնություններ։ Արմավիրում հիմնադրված հայկական դատարանում կիրառվում էր չեքեզահայերի սովորույթային իրավունքը։ Այս հարցի ուսումնասիրությունը ևս գրախոսվող աշխատության հեղինակի ծառայությունն ու ներդրումն է հայ գաղթավայրերի իրավական վիճակը լուսարանելու խնդրում։ Արմավիրի հայ գաղթության առանձնահատկություններից էր նաև այն, որ մինչև 1913 թ. այն պաշտոնապես գլուղ էր համարվում, որը բարդացնում էր տեղի բնակչության պայքարն իր իրավունքների համար։

Գրախոսվող աշխատության երկրորդ գլուխը նվիրված է Արմավիրի սոցիալ-տնտեսական կյանքին։ Հեղինակը քննում է Արմավիրի բնակչության իրավական վիճակը և եզրակացնում, որ ճապահույնով իր սոցիալական հենարանը՝ տեղական խոշոր ֆեոդալական դասակարգը, ցարիզմը չէր ուղղում ավելացնել տեղական բնակչության արտոնյալ խավերի թվաքանակը» (էջ 73—74)։ Այդ իսկ պատճառով ինքնակալությունը շճանաչեց չեքեզահայերի ուղեկական-աղնվական իրավունքները։

Հեղինակը հանգամանորեն, փաստերով հիմնավորված, լուսարանում է Արմավիրի հայ գաղթության բնակչության տնտեսական (գյուղատնտեսություն, արհեստագործություն, առևտուր, արդյունաբերություն) բազմաբնույթ գործունեությունը, թվերի պերճախոս լեզվով ցույց տալիս այն զգալի աճանքը, որ ներդնում էին Արմավիրի հայերը՝ երկրամասի տնտեսության զարգացման, Ռուսաստանի այլ վայրերի, ինչպես նաև հարևան երկրների հետ հյուսիս-արևմտյան կողմից տնտեսական կապերի զարգացման ու ամրապնդման բնագավառում։ Արմավիրի հայերի տնտեսական գործունեությունն ուղեկցվում էր սոցիալական շերտավորման անխուսափելի պրոցեսով։

Գրախոսվող աշխատության ուշագրավ բաժինն է նաև Արմավիրի հայ գաղթության հասարակական-քաղաքական կյանքը լուսարանող երրորդ գլուխը։ Այնտեղ հեղինակը ծանրանում է գաղթության և մայր հայրենիքի կապի, այն պայքարի պատմության վրա, որ Արմավիրի բնակչությունը մղում էր քաղաքի ստատուս ձեռքբերելու համար։ Արմավիրի բանկիչների այդ պայքարի պատմությունը, որը գրախոսվող գրքի ուշագրավ էջերից է, Ռուսաստանի հայ գաղթավայրերի պատմության մեջ յուրօրինակ դրվագ է։ Հեղինակի ծառայությունն այն է, որ նա լուսարանել է այն բոլոր հարցերը, որոնք անհրաժեշտ էին գաղթության պատմությունը շարադրելու համար։ Լ. Պողոսյանի տեսադաշտից դուրս չեն մնացել նաև գաղթության մշակույթի, ուսումնական գործի հարցերը, որոնց լուսարանմանն էլ նվիրված է աշխատության չորրորդ՝ եզրափակիչ գլուխը։ Հեղինակը ցույց է տալիս, որ Արմավիրի հայկական գաղթության սերունդը կապերով կապված էր Հայաստանի, հայաշատ վայրերի հետ, ապրում էր աշխույժ մշակութային կյանքով (այն ուներ իր տպարանը, գրադարանը, թատրոնը և արական ու իգական սեռի սաների համար ուսումնարաններ)։ Հեղինակն իրավացի է, նկատելով, որ ուսումնական գործում արմավիրցիները ոչ միայն պիտի հաղթահարեին նյութական միջոցների սղությունը, ուսուցչական որակյալ կադրերի բացակայության դժվարությունը, այլև ազգային փոքրամասնությունների դեմ ինքնակալության XIX դ. երկրորդ կեսից ծայր առած ուժացման քաղաքականության հարուցած դժվարությունները։

Գրախոսվող աշխատության ուշագրավ հատվածներից են Արմավիրում ծավալված հեղափոխական շարժումները պատկերող էջերը, որոնցում հեղինակը պերճախոս փաստերով ցույց է

տալիս, որ ինչպես Ռուսաստանի հայ ալլ գաղթավայրերում, այնպես էլ Արմավիրում, ինքնակալության և բուրժուական կարգերի դեմ մղված հեղափոխական պայքարում կոփվում էր սուս, հայ և Կովկասի ժողովուրդների անխախտ բարեկամությունը:

Շահական այս աշխատության մեջ, սակայն, առկա են որոշ թերություններ ու բացթողումներ, որոնցից նշենք առավել նկատելիները: Նախ, անհրաժեշտ էր ավելի լրիվ օգտագործել Սդիշե Չարենցի անվան զրահանության և արվեստի թանգարանում պահվող ն. Շահազիզի անձնական ֆոնդի նյութերը, որոնք հնարավորություն կտային ավելի լրիվ ներկայացնելու Արմավիրի հայերի սրտացավ. վերաբերմունքը սուլթան Համիդի և երիտթուրքերի հայաջինջ քաղաքականության հետևանքով հայ ժողովրդին հասած արհավիրքների նկատմամբ: Երկրորդ, ցանկալի կլիներ, եթե աշխատության վերջում, հեղինակը խոսեր (թեկուզ հակիրճ) սովետական իշխանության առաջին տարիներին Արմավիրի զարգացման մասին՝ շնորհիվ ազգային փոքրամասնությունների շրջանում կոմունիստական կուսակցության և սովետական իշխանության կատարած շնորհակալ աշխատանքի:

Ամփոփելով նշենք, որ Լ. Պոզոսյանի «Արմավիրի հայկական գաղթօջախը աշխատությունը զգալի ավանդ է Ռուսաստանի հայ գաղթավայրերի պատմության գիտական ուսումնասիրության ամբողջացման ասպարեզում:

ՎԱՀՐԱՄ ՄԱՐՏԻՐՈՍՅԱՆ

Պատմական գիտությունների թեկնածու